

SARS e hapa disakarete tse seng molaong tsa boleng ba R6-million

Tshwane, 30 Phupu 2021 – Ditshebeletso tsa Lekgetho tsa Afrika Borwa (SARS) ka sehlopha sa sona sa Bolaodi ba Meedi se bitswang 'National Rapid Response Team' mmoho le Ditshebeletso tsa Sepolesa sa Afrika Borwa ba hapile disakarete tse seng molaong ho tswa ho palo e itseng ya bahwebi ba mane Cape Town tsa boleng ba R6-million.

Ka nako ya letsholo lena la Labone la 29 Phupu, ke makase a 443 ao ka bonngwe a neng a kentse dikartone tse 50 tsa mefuta e fapaneng ya disakarete a ileng a hapuwa ke letsholo lena le neng le etellwa pele ke tsa mautlwela.

Letsholo lena ke karolo ya tsepamiso e phahameng hodima kgwebo e seng molaong ya disakarete le dihlahiswa tsa kwae ka SARS ke sepheo sa ho sireletsa indasteri ya lehae le ikonomi ka bobatsi. Seabo sa dihlopha tse ding tsa phethahatso ya molao ho bontsha tsela eo mmuso ka kopanelo o sebetsang mmoho le mafapha ka ho fapana hore ho tle ho sebediswe mehlodi ka ho phethahala, le hore sena se be le kgahlamelo e matla le ho bonwa ke bohle.

Khomishenara ya SARS Edward Kieswetter o boletse hore thomelohare ya disakarete tse seng molaong mmoho le dithoto tse ding tse kang diaparo le masela, meriana le dikalafi tsa mokokotelo, mmoho le dipalangwang tse kileng tsa sebediswa pejana, hara tse ding, di senya indasteri ya lehae mme di be le kabelo tlhokehong ya mesebetsi.

“Diketsahalo tsena di utswetsa naha ya rona lekgetho le hlokehang haholo le bileng le thusang mmuso ho fana ka ditshebeletso tsa mantlha ho bafumanehi le kotsing ya ho utlwiswa bohloko, tse kang dipenshene tsa botsofadi le ho fana ka kimollo ho dikgwebo tse sokolang le ho basebetsi ba tsona ka lebaka la merusu ya morao tjena.”

O tlatsitse ka hore tsena di na le kotsi ya tsa bopehlo bo botle ho basebedisi hobane disakarete tsena tse keneng ka hara naha ka tsela e seng molaong ha di ipapise le melawana ya tsa bophelo bo botle ya Afrika Borwa mme sena se beha ditsubi kotsing ya e kgolo.

“Ho bile ho na le maqhama a matla pakeng tsa diketsahalo tsena le maqulwana a bonokwane a nang le seabo diketsong tsa ho ananya ka batho, thekiso ya dithunya, ho mokolweng ha dithethefatsi le boferekanyi.

"SARS e na le thomo ya ho bebofatsa kgwebisano e molaong mme e keke ya mamella kgwebisano e seng molaong e nonyetsang ikonomi ya rona le batho ba rona, sena ke ho bapa le maikemisetso a rona a mawala a ho etsa hore ditjeo e be tse hodimo bakeng sa bao ba sa ikobeleng tefo ya lekgetho le boitlamo ba rona ba molao ba tsa bolaodi ba meedi le tse kenang le ho tswa ka naha.

Boha ditshwantsho tsa letsholo lena la Cape Town ka tlase mona.

Ho fumana lesedi le fetang lena, ikopanye le SarsMedia@sars.gov.za

